



საქართველოს იუსტიციის უმაღლესი საბჭო

ქ. თბილისი № 1/53

“ 17 ” ივნისი 2021 წ.

ბ ა ნ კ ა რ ბ უ ლ ე ბ ა

მ. ლომთათიძის თბილისის სააპელაციო სასამართლოს სისხლის სამართლის საქმეთა პალატის მოსამართლის თანამდებობაზე უვადოდ გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, მზია ლომთათიძე 2021 წლის 18 ივნისიდან გამწესდეს თბილისის სააპელაციო სასამართლოს სისხლის სამართლის საქმეთა პალატის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

ნ.

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასახუთება

მზია ლომთათიძის თბილისის სააპელაციო სასამართლოს მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის სააპელაციო სასამართლოს სისხლის სამართლის საქმეთა პალატის მოსამართლის 4 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 16 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის მზია ლომთათიძეზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

კანდიდატის შესახებ მოძიებული ინფორმაცია:

მზია ლომთათიძეს აქვს სპეციალობით მუშაობის 32-წლიანი, მათ შორის მოსამართლედ მუშაობის 20 წლისა და 9 თვის გამოცდილება. იგი 2000 წლის 28 ივლისიდან არის საერთო სასამართლოების მოსამართლე. მზია ლომთათიძე სხვადასხვა დროს იყო სოხუმის და გაგრა-გუდაუთის რაიონული და თბილისის საოლქო სასამართლოების მოსამართლე. ამჟამად იგი არის თბილისის სააპელაციო სასამართლოს სისხლის სამართლის საქმეთა პალატის მოსამართლე.

მზია ლომთათიძეს აქვს საქმეთა განხილვის კარგი მაჩვენებელი როგორც პროდუქტიულობის, ისე სტაბილურობის კუთხით. მოღვაწეობის ბოლო 3-წლიან პერიოდში დასრულებული აქვს 793 საქმე (საშუალოდ დღეში 1 საქმე), ხოლო გასაჩივრებული გადაწყვეტილებებიდან უცვლელი დარჩა საქმეთა 92,6%. განსაკუთრებით აღსანიშნავია მზია ლომთათიძის მიერ საქმეთა განხილვისას საპროცესო ვადების დაცვის მაჩვენებელი, კერძოდ, მას საქმეთა 100% განხილული აქვს საპროცესო ვადების დაცვით.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ მზია ლომთათიძეს გაესაუბრნენ 2021 წლის 2 ივნისს. გასაუბრება წარიმართა ღია სხდომაზე.

კანდიდატის შეფასება:

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი მზია ლომთათიძე შეაფასა კომპეტენტურობისა და კეთილსინდისიერების კრიტერიუმების მიხედვით.

მზია ლომთათიძის კეთილსინდისიერების კრიტერიუმით შეფასებისას, საბჭოს შემფასებელმა 10-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო 2-მა წევრმა მიიჩნია, რომ აკმაყოფილებს.

საბჭოს წევრთა მიერ მზია ლომთათიძის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 991 ქულა, რაც ქულების მაქსიმალური რაოდენობის 82,58%-ია.

კენჭისყრის შედეგები:

2021 წლის 17 ივნისს თბილისის სააპელაციო სასამართლოს სისხლის სამართლის საქმეთა პალატის მოსამართლის მე-3 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, მზია ლომთათიძემ მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 14 კანდიდატი, მათგან 10 მოქმედი მოსამართლე (2 - სააპელაციო ინსტანციიდან, 8 - პირველი ინსტანციიდან), 3 ყოფილი მოსამართლე და 1 იუსტიციის უმაღლესი სკოლის ყოფილი მსმენელი, კერძოდ:

- | | |
|--------------------------------|---------------------------------|
| 1. ბიჭია შოთა - 0 ხმა | 8. ლომთათიძე მზია - 11 ხმა |
| 2. გორგაშვილი სანდრო - 0 ხმა | 9. მაისურაძე მადონა - 0 ხმა |
| 3. გოცირიძე კობა - 0 ხმა | 10. მაჭავარიანი ვახაბერ - 0 ხმა |
| 4. გრატიაშვილი გიორგი - 0 ხმა | 11. ნარიმანიშვილი დავით - 0 ხმა |
| 5. გურული მალხაზ - 0 ხმა | 12. ნაჭყებია ნინო - 0 ხმა |
| 6. კალატოზიშვილი არსენ - 0 ხმა | 13. ტყეშელაშვილი რომეო - 0 ხმა |
| 7. ლობჯანიძე გიორგი - 0 ხმა | 14. ფორჩხიძე ვიოლეტა - 0 ხმა. |

1 ბიულეტენი გაბათილდა.

დასკვნა:

კანდიდატ მზია ლომთათიძის კეთილსინდისიერების (საბჭოს 10-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, თბილისის სააპელაციო სასამართლოს სისხლის სამართლის საქმეთა პალატის მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა მზია ლომთათიძე.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი

